



Publicaziuns dalla vischnaunca, jamna 35

Damonda da baghegiar

2022-1053.000

Datum dalla publicaziun: 2 da settember 2022

Il patrun: Pietro e Barbara Brossi, Reismühleweg 45, 8409 Winterthur
Representanza: Pietro e Barbara Brossi, Reismühleweg 45, 8409 Winterthur
Object: Remplazzament dil scaldament e dallas finiastras, sanaziun e lavurs da reconstrucziun suenter donn d'aua, parcella 2123, Via Sogn Antoni 12, 7182 Cavardiras

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil recurrent ni da siu representant.

Disentis/Mustér, ils 2 da settember 2022

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau il suadont project:

Nr. 2022-2080.000

Bruno Tschuor, Via Craiers 3, 7180 Disentis/Mustér; modificaziun dil terren, parcella 3579, Caischavedra Dado, 7180 Disentis/Mustér.

Disentis/Mustér, ils 2 da settember 2022

Uffeci da baghegiar Disentis/Mustér



Cussegl da vischnaunca

Rapport dalla seduta dils 26-8-2022

Venderdis, ils 26 d'uoost 2022, ha giu liug en halla Cons la 16. seduta dil cussegl da vischnaunca dalla perioda d'uffeci 2021/2024. El center dalla seduta ei stau la nova proposta per l'avertura Val Segnas ed Uaul Run. Il cussegl da vischnaunca ha approbau il project unanimamein e concediu per la realisaziun in credit net da frs. 5 660 220.– per mauns dalla votaziun all'urna. Plinavon ei a vesta d'ina moziun vegniu decidiu da vinavon porscher in bien glatsch artificial el Center Fontauna.

Il cussegl da vischnaunca ha sut l'egida da siu president **Adrian Deflorin** approbau la nova proposta per l'avertura Val Segnas ed Uaul Run (igl'empre project «Avertura Val Segnas – Val Sogn Placi» ch'ei vegnius refusaus ils 29 da november 2020 all'urna cunteneva ina colligiaziun senza interrupziun denter la Val Segnas e la Val Sogn Placi). Per saver persequitar vinavon las finamiras per garantir la tgira digl uaul da protecziun, possibilitar igl access per intervenziuns e manteniment en cass d'eveniments muort prighels dalla natira ni incendis d'uaul, reducir la canera da helicopter a liunga vosta, sviar il traffic ord il vitg ed uclauns e la finala reducir cuosts da manteniment d'infrastructura eis ei vegniu elaborau entras ils responsabels e sut l'egida digl uffeci regiunal d'uaul e prighels dalla natira ina nova varianta per l'avertura. Cul niev project «Avertura forestala Val Segnas ed Uaul Run» han las sfidas cunzun davart las zonas per la protecziun dallas fontaunas saviu vegnir risguardadas entras evitar la traversada dalla Val Clavaniev. Il perimeter dil project vegn cheutras repartius ellas duas parts Uaul Run (emprema prioritad) e Val Segnas–Prau Sura. Per la realisaziun da quei project vegn mess en mira ina contribuziun da Confederaziun e Cantun d'entochen 78%. Ultra da quei ha Alpinfra mess en mira da sorprendere denter 20 e 30% dils cuosts restonts. Cheutras resta per la vischnaunca aunc ina summa da frs. 5 660 220.–. L'avertura digl Uaul Run sco pli impurtont uaul da protecziun dalla vischnaunca ei centrala. Dapi ils emprems sclariments per ina migliur ein gia 20 onns spirai. La damonda da credit da frs. 5 660 220.– vegn el senn dallas prescripziuns digl art. 32 dalla constituziun communalta suttamessa ils proxims meins alla votaziun all'urna.

Plinavon ha la suprastonza communalta a vosta d'ina moziun ch'ei vegnida inoltrada il november 2020 sclasclariu differentas variantas partenent la purschida da glatsch el Center Fontauna. A caschun da sia seduta dils 28 da matg 2021 aveva il cussegl da vischnaunca gia tractau inagada la posiziun dalla suprastonza communalta cun la decisiun dad el decuors dil davos unviern aunc prender investa da differents plazs da glatsch sintetics. Ella seduta da venderdis-sera ha il cussegl da vischnaunca decidiu cun gronda maioritad dad era el futur vuler porscher el Center Fontauna in bien glatsch artificial.

Suprastonza communalta

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala



Cuors BLS-AED-SRC cumplet (Guidelines 2021)

L'Uniun samaritana Mustér organisescha in cuors da reanimaziun BLS-AED-SRC cumplet. (Reanimaziun cun applicaziun dil defibrilatur automatic).

Per tgi: in e scadin che ha interess

Datum: **Sonda, ils 17 da settember 2022**

Uras: 8.00–12.00

Liug: Casa da scola Mustér

Annunzias: Ein da far entochen ils 10 da settember 2022 tier Martina Giger, la sera, per telefon:
079 299 36 13 ni e-mail: martina.casanova@gmx.ch.

Club da skis Trun

Team Panda Trun

Il trenament da cuorsa liunga per igl unviern 2022/23 per affons da 6 tochen 16 onns.

Mira sut Trun!

Apparat d'udida

Gliendisdis, ils 12 da settember 2022, saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan comunablamein quei survetsch gratuit per tuts interessents.

Ei drova negina annunzia.



Yoga ni gimnastica dalla damaun a Mustér

Ina scolasta ed in menader da Yoga sco era ina menadra da gimnastica sebratten per porscher yoga ni gimnastica ad in e scadin che ha tschaffen ed interess. Naven da **mardis, ils 13 da settember 2022, entochen la fin avrel 2023** purschin nus in'ura da beinstar per tgierp ed olma. Nus s'entupein mintga mardis dallas 8.30–9.30 en halla Cons a Mustér. Igl ei pusseivel da visitar tuttas ni mo singulas lecziuns. Tier mintga participaziun ei da contribuir ina pintga indemnisaziun per cuvierer ils cuosts.

Sin bien seveser e cordial beinvegni a tuts interessai.

Las organisaturas, il menader e las menadras

Yoga oder Morgengymnastik in Disentis

Eine Yogalehrerin und ein Yogaleiter sowie eine Gymnastikleiterin erteilen abwechslungsweise eine Stunde Yoga oder Gymnastik. **Vom 13. September 2022 bis Ende April 2023** bieten wir für Frauen und Männer, Junge und Alte, Einheimische und Auswärtige eine Wohlfühlstunde an. Wir treffen uns jeweils Dienstag von 8.30–9.30 Uhr in der Turnhalle Cons in Disentis. Es ist möglich, alle oder nur einzelne Lektionen zu besuchen. Bei jeder Teilnahme ist ein kleiner Beitrag zu entrichten, um die anfallenden Kosten zu decken. Auf Wiedersehen und herzlich willkommen an alle Interessierten.

Die Organisatorinnen, der Leiter und die Leiterinnen

Uniun da dunnas Mustér

Fiera da resti d'affons cun stiva da caffè

Stiva da caffè cun buffet da pettas. Nus prendein encunter bien, schuber ed entir resti dad unviern tochen grondezia 176, vestgadira da gravidonza, termagls, calzers, sezs d'autos e da meisa, crotschas, skis, capellinas, eav. Dunnas che drovan ina nova numera ni han damondas san contactar Isabel Sac, tel. 076 501 76 51.

Dar giu resti: Venderdis, ils 16 da settember 2022, dallas 16.30 entochen allas 17.00 en halla Cons, Mustér
Adatg: Per plascher mintga grondezia da resti separau en ina tastga!

Vendita: Venderdis, ils 16 da settember 2022, dallas 19.00 entochen allas 21.00 e **sonda, ils 17 da settember 2022**, dallas 9.00 entochen allas 10.30 en halla Cons, Mustér.

Retuorn dil resti buca vendiu e pagament (minus 20%): Sonda, ils 17 da settember 2022, dallas 12.30 entochen allas 12.45. Per uorden che maunca savein nus surprender negina responsablada. Vegni e mirei, e forsa veis gie aunc gust da star in mument da cumpignia en nossa stiva da caffè?

Kinderkleiderbörse mit Kaffeestube

Kaffeestube mit Kuchenbuffet. Wir nehmen gut erhaltene, saubere und ganze Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Ski, Helme usw. Frauen, die eine Nummer brauchen oder Fragen haben, können mit Isabel Sac, Tel. 076 501 76 51, Kontakt aufnehmen.

Annahme: Freitag, 16. September 2022, von 16.30 bis 17.00 Uhr in der Turnhalle Cons, Disentis

Achtung: Bitte jede Kleidergrösse separat in eine Tasche!

Verkauf: Freitag, 16. September 2022, von 19.00 bis 21.00 Uhr und **Samstag, 17. September 2022**, von 9.00 bis 10.30 Uhr in der Turnhalle Cons, Disentis.

Auszahlung (abzüglich 20%) und Rückgabe: Samstag, 17. September 2022, von 12.30 bis 12.45 Uhr. Für fehlende Sachen können wir keine Haftung übernehmen. Kommt und schaut, und vielleicht bleibt danach noch ein wenig Zeit für unsere Kaffeestube?

Nus selegrein sin vossa viseta

Uniun da dunnas Disentis/Mustér,
gruppa d'organisaziun fiera da resti
